

憶王孫

朝遊長埤湖而作

長埤湖畔水城東，遠岸青隄綠映紅，斜雁成行翠柳重。碧江空，魚浪輕吹蘆荻風。

柳梢青

重遊羅東夜市有感

鐵樹銀花，玉鉤西掛，風細雲霞。纖手同攜，羅東街市，香湧煙斜。

笙歌旋舞輕紗，故苑裏、翠微亂鴉。幾許離愁，夜光蕭索，燈火誰家？

人月圓

漫遊蘇澳漁港後作

霽天空闊東風起，漁市裊氤氳。微霞夕照，輕舟短棹，燈火黃昏。

野塘清露，魚蝦隱處，波湛江濱。綺羅香伴，遊人笑語，水色山村。

風入松

登仁山忽覺愁思萬端

江涵春影雁初飛，竹冷雨霏霏。仁山千嶂烟雲繞，
正凝望、幽砌芳菲。料峭風中聞笛，冷瑟雨裏聽溪。

十年如夢倚青隄，依舊柳依依。潺潺寒碧隨潮去，
小亭外，閒閣荒池，惆悵楓林殘葉，落紅流水忽西。

太常引

訪羅東運動公園夕日大道

夢回故地早春行，烟柳鳥娉婷。夕日映紅櫻，欲
留住、芳茵漾情。

飄風飛絮，雲霞漸隱，空有水泠泠。暗香落菲英，
目送去、幽潭綠萍。

鵲橋仙

遊羅東運動公園虹明湖有感

虹明湖畔，冷香夜半，浪湧纖雲夢斷。雨絲風細
鎖煙嵐，卻又是、翠微殘瓣。

寒愁幾點，笛聲漫漫，驚避游魚凌亂。水紋千嶂
滿淒然，又豈是、春風不展。

采桑子

詠羅東運動公園青龍護岸

青龍護岸林深處，石枕溪流，勢壓田疇，恰似潛龍躍綠丘。

輕塵細捲迴風起，冬復還秋，山鎖烟樓，行客何因多自愁。

國立中興大學 

少年遊

National Chung Hsing University

於運動公園望天丘望月、觀星後作

華燈初上望天青，皓月耀三更。銀河高瀉，林深燕語，風細水盈盈。

瓊樓玉宇崢嶸起，星子綴深暝。靜夜澄清，漏聲迢遞，螢火舞芳亭。